



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

128. De infantibus mortuis per negligentiam non baptizatis.

**urn:nbn:de:hbz:466:1-14622**

De eadem re. *Ex Concilio Triburienfi.*

CXXVI. Ut, si possit fieri, mortui non alibi sepeliantur præter ad Ecclesiam, & deinceps nihil exigatur pro pretio sepulturæ. Concil. Tribur. c. 15. 16.

De eadem re. *Ex eodem.*

CXXVII. Dicitur est in quibusdam locis pro perceptione chrismatis numos dari solere, pro baptismo, & communione. Hoc simoniacæ hæresis semen detestata est sancta synodus & anathematizavit, & ut de cetero nec pro ordinatione nec pro chrismate vel baptismo nec pro sepultura vel communione quicquam exigatur, sed gratis dona Christi gratuita \* dispensentur. Burchard. lib. 4. c. 101.

\* Burchard. dispensatione donentur.

De infantibus mortuis, per negligentiam non baptizatis. *Ex Pœnitentiali,*  
*cap. xvii.*

CXXVIII. Pariens femina, cujus filius per negligentiam non baptizatus obierit, annum unum pœniteat, & nunquam sit sine aliqua pœnitentia. Si sacerdos, ad quem pertinebat, vocatus fuerit ad baptizandum infantem, & venire neglexerit, ipse secundum damnationem animæ iudicio Episcopi sui castigetur. Sed & omnibus fidelibus licet, ubi fortè morituros invenerint non baptizatos, immo præceptum est, omnes animas eripere à diabolo per baptisma, id est, benedicta aqua simpliciter in nomine Domini, & baptizare illos in nomine Patris & Filij & Spiritus sancti intinctos aut superfusa aqua. Unde oportet

Vide lib. 2. c. 60. & seqq.

eos, qui possunt, tamen fideles, monachos maximè, & scientiam habere baptizandi; & si alicubi longiùs exierint, eucharistiam semper secum habere debent.

De eadem re.

Burchard. lib.  
4. c. 46.  
Capitulare  
Theodulfi  
c. 17.

CXXIX. Perpendant Presbyteri quanti discriminis sit animas innocentium per eorum negligentiam à regno Dei excludi. Si enim gaudium est in cælo super uno peccatore pœnitentiam agente, quid putas, quanta ira & indignatio super illum erit qui per suam negligentiam januas paradisi innocentibus claudit? Et ideo Presbyteri summa diligentia caveant ne animas, pro quibus sanguis Christi effusus est, per suam incuriam à cœlesti beatitudine separent. Sed si, quod absit, evenerit, gravi pœnitentiæ luctu diebus vitæ suæ se submittat per cujus evenerit neglectum.

De eadem re: *Vnde supra.*

CXXX. Cujus parvulus in negligentia sine baptismo mortuus fuerit, tres annos pœniteat, primum ex his in pane & aqua.

Ne oblationes in domibus offerantur, & ne Missæ extra Ecclesiam cantentur.

*Ex Concilio Laodicensi.*

Concil. Laod.  
dic. c. 58.  
Addit. III. c.  
4. & 47.  
Burchard. lib.  
3. c. 60.

CXXXI. Quòd non oporteat in domibus oblationes celebrari ab Episcopis vel Presbyteris.

*Vnde supra.*

Burchard. lib.  
3. c. 61.

CXXXII. Dicitur est nobis quòd quidam